

Broj: 5987/18
Dana, 14.09.2018.

Predmet: Saopštenje za javnost

Poštovani građani,
svi ste svjedoci nemilog događaja, objave sugrađanke Halime Smajlović na društvenim mrežama, u kojem mene i sve uposlenike Doma zdravlja javno prozivaju i kritikuju povezujući nas sa političkim strankama. Odgovorno tvrdim da se niti jedna stranka nije uplitala nikada u funkcionisanje i organizaciju Doma zdravlja, bar što ja znam za moga mandata.

Prema standardima i normativima tim u SHMP čini ljekar, jedan vozač i jedan medicinski tehničar, a mi smo zbog udaljenosti uvijek imali još jednog pripravnog vozača i medicinskog tehničara.

Do 15 sati na raspolaganju imamo još dva vozača koji uglavnom voze lokalne prevoze, kontrolne preglede, otpuste iz bolnice i dva vozača koji voze dijalizu. Nakon 15 sati na raspolaganju ostaje samo SHMP sa jednim vozačem i jednim pripravnim vozačem. U SHMP vozači rade u smjenama sa organiziranom pripravnnošću, odnosno četverbrigadni sistem. Što se tiče prevoza pacijenata iz SHMP, ono služi za prevoz hitnih, životno ugroženih pacijenata do Klinike za koju ordinirajući ljekar da uputnicu, kao i nalog za prevoz. Nalog za prevoz sanitetom daje ordinirajući ljekar ukoliko smatra da za isto postoji potreba. Nakon što se pacijent preda na upućeno mjesto, vozač se vraća u SHMP da bi bio dostupan u slučaju hitne potrebe. Taj vozač nema obavezu da čeka pacijenta po nekoliko sati u Klinici dok se sve pretrage ne završe, to uglavnom radi rodbina, prijatelji, staratelji, izuzetno medicinsko osoblje. U slučaju da vozač ostane da čeka pacijenta u Tuzli, ljekar rizikuje funkcionisaje SHMP, da ostane bez hitnog transporta u slučaju u kojem se svi možemo naći, a ja sam radila u SHMP i znam kako je to da ako pošalješ nešto, moliš Boga da se sanitet što prije vrati, posebno ako je to vikend ili izlazno veče zbog saobraćajnih nesreća i drugih hitnih stanja. Svi znate koliko je vremena potrebno da se od Gradačca do Tuzle provede u putu, minimalno sat vremena u jednom pravcu, to znači, ako je sve kako treba, saniteta nema dva do tri sata. U ovim slučajevima nakon 15 sati kada se zove za pacijenta da se vrati iz Tuzle za Gradačac praktikuje se da se sačeka ukoliko bude nešto hitno i taj pacijent koji čeka u UKC se vrati sanitetom, jer to nisu životno ugroženi pacijenti, ali su pacijenti koji ne mogu biti u sjedećem položaju, teško oboljeli pacijenti, i sl. U više slučajeva u skladu sa organizacijom posla se takav pacijent doveze tako da se ode samo po njega ne čekajući da bude nešto hitno. Da bi neko čeka danima da po njega dođe sanitet to se nikada nije desilo niti će se desiti. Moram da pohvalim vozače koji i kada nisu na rasporedu dođu da prevezu pacijenta prema nalogu.

Za sve nejasnoće oko organizacije stojimo na raspolaganju.

S poštovanjem!



DIREKTOR
Šakić dr. Alma, spec. neurolog

Alma Šakić